



Gospodaru, oprosti mi moje grijehe i moje neznanje, moj prijestup u svemu što činim, kao i ono što Ti znaš bolje od mene samog. Gospodaru, oprosti mi moje grijehe, bilo s namjerom ili u neznanju ili one koji su učinjeni u šali, a sve to imam pri sebi. Allahu, oprosti mi moje prošle i buduće grijehe, ono što sam učinio tajno i javno. Ti približavaš onoga koga hoćeš i udaljavaš onoga koga hoćeš, i Ti si nad svim moćan

Ebu Musa, radijallahu 'anhu, prenosi da je Poslanik, sallallahu alejhi ve sellem, učio ovu dovu: "Gospodaru, oprosti mi moje grijehe i moje neznanje, moj prijestup u svemu što činim, kao i ono što Ti znaš bolje od mene samog. Gospodaru, oprosti mi moje grijehe, bilo s namjerom ili u neznanju ili one koji su učinjeni u šali, a sve to imam pri sebi. Allahu, oprosti mi moje prošle i buduće grijehe, ono što sam učinio tajno i javno. Ti približavaš onoga koga hoćeš i udaljavaš onoga koga hoćeš, i Ti si nad svim moćan."

[Vjerodostojan] [Muttefekun alejh]

Jedna od sveobubvatnih Poslanikovih, sallallahu alejhi ve sellem, dova, bila je i ova, a značenje joj je sljedeće: Gospodaru, oprosti mi moje grijehe i moje neznanje, i sve ono što učinim u neznanju. Oprosti mi moj prijestup u svemu što činim i u svemu u čemu pređem granicu. "kao i ono što Ti znaš bolje od mene samog", tj. oprosti mi i ono što Ti znaš bolje od mene samog, jer Ti znaš, a ja zaboravljam. "Gospodaru, oprosti mi moje grijehe, bilo s namjerom ili u neznanju", tj. Gospodaru, oprosti mi moje greške, a i ono što učinim namjerno, znajući da je to grijeh. "ili one koji su učinjeni u šali", tj. oprosti mi moje grijehe koje uradim u stanju zbilje i u stanju kada sam neozbiljan. "a sve to imam pri sebi", tj. oprosti mi jer sve to pripada meni, sve te grijehe i mahane. "Allahu, oprosti mi moje prošle i buduće grijehe", tj. sve ono što sam ranije uradio, a i sve ono što ću u budućnosti uraditi. "ono što sam učinio tajno i javno", tj. oprosti mi i ono što sakrijem i što javno ispoljim. "Ti približavaš onoga koga hoćeš i udaljavaš onoga koga hoćeš", tj. onoga koga želiš Ti približiš Svojoj milosti i uputiš ga ka onome što voliš, ali i udaljiš od Sebe koga hoćeš, tako što mu ne podariš uspjeh i ne podržiš ga. Niko ne može približiti ono što ti udaljiš, niti može udaljiti ono što ti približiš. Ti si nad svim moćan, odnosno posjeduješ potpunu moć i absolutnu volju, te radiš sve ono što hoćeš.

النّجَاةُ الْخَيْرِيَّةُ
ALNAJAT CHARITY

